

Ո Ր Ո Շ ՈՒ Մ Ն 118/6
/վարչական տույժ նշանակելու մասին/

«07» մայիսի 2019թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գարիկ Դարբինյանս, քննելով Սամվել Միերի Սարգսյանի /քաղաքացիությունը Հայաստանի Հանրապետության, անձն. AN0593699, հասցեն՝ ՀՀ ք. Երևան, Նոր-Նորք, Մառի փ. 2.14, բն.5/ նկատմամբ հարուցված վարչական իրավախախտումների վերաբերյալ գործը,

Պ Ա Ր Զ Ե Ց Ի

ՀՀ քաղաքացի Սամվել Սարգսյանը 2016թ. օգոստոսի 17-ին թիվ 1428 տրանսպորտային միջոցի մաքսային հայտարարագրով «Ժամանակավոր ներմուծում» մաքսային ռեժիմով մինչև 01.09.2016թ. ՀՀ է ներմուծել «FORD-TRANZIT» մակնիշի, LLB45795 հաշվառման համարանիշի ավտոմեքենա, սակայն սահմանված ժամկետում չի կատարել ավտոմեքենայի հետագա արտահանման պարտավորությունը:

ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնի մաքսային տեսուչ-իրավաբանի կողմից 12.04.2019 թվականին Սամվել Սարգսյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկատվություն ստանալու նպատակով: Պատասխան գրությունից պարզվել է, որ «FORD-TRANZIT» մակնիշի, LLB45795 հաշվառման համարանիշի տրանսպորտային միջոցը 17.08.2016 թվականին Բազրատաշենի մաքսային կետ-բաժնով ներմուծվել է ՀՀ, սակայն հետագա արտահանման պարտավորությունը չի կատարվել:

01.04.2019թ. թիվ Դ/1917-2019 գրությամբ ՀՀ ՊԵԿ է դիմել «Ջասթիս ընդ Լոու» իրավաբանական ծառայության տնօրենը: Հարցմամբ խնդրել են հայտնել. ֆիզիկական անձ Սամվել Սարգսյանի /անձնագիր՝ AN0593699/ կողմից 17.08.2016թ. բեռնափոխադրման

նպատակով ժամանակավոր ներմուծում մաքսային ընթացակարգով ՀՀ ներմուծված /գրանցման համար՝LLB45795, LXIFFOLXXGBFL3J86049 նույնականացման համար/ ֆորդ ավտոմեքենան կարող է վերաարտահանվել ՀՀ-ից, եթե այո, ապա որքան է կազմում վերաարտահանման հետ կապված ծախսերը:

08.04.2019թ. թիվ Ն/22-4/24508-2019 պատսխան գրությամբ վարչական մարմինը տեղեկացրել է, որ Սամվել Սարգսյանի կողմից վերոնշյալ տրանսպորտային միջոցի ՀՀ ներմուծման հետ կապված արկա են պարտավորություններ՝ ճանապարհային վճարի գծով և «ժամանակավոր ներմուծում» մաքսային ընթացակարգի խախտման մասով:

Կապված ժամանակավոր ներմուծմամբ առաջացած պարտավորության, ապա «Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման: ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Գործի քննության շրջանակներում տեղեկատվություն ստանալու նպատակով հարցում է կատարվել ՀՀ ոստիկանության անձնագրային և վիզաների վարչություն ՀՀ քաղաքացի Սամվել Սարգսյանի (անձնագիր՝ թիվ AN0593699)՝ ՀՀ-ում հաշվառված լինելու վերաբերյալ տեղեկատվություն ստանալու նպատակով:

Պատասխան գրությամբ հայտնել են, որ ըստ ՀՀ ոստիկանության անձնագրային և վիզաների վարչության բնակչության պետական ռեգիստրի տվյալների՝ քաղաքացի Սամվել Միքի Սարգսյանը, ծնվ. 11.12.1973 թվականին, ՀՀ ոստիկանության ԱՎ վարչության Նոր-Նորքի անձնագրային ծառայության կողմից 30.07.2013թ. ստացել է ՀՀ քաղաքացու AN սերայի թիվ 0593699 անձնագիրը: 27.05.2016թ. կատարվել է փաստացի բնակության վայրի մասին նշում ք. Երևան. Նոր-Նորքի, Մառի փ., 2.14, բն.5 հասցեում:

Նշանակվել է գործի քննություն 07.05.2018թ. ժամը 17:00-ին, վերջինս պատշաճ ծանուցվել է ՀՀ ոստիկանության անձնագրային և վիզաների վարչության բնակչության պետական ռեգիստրի կողմից տրամադրված հասցեով, սակայն վերջինս չի ներկայացել գործի քննությանը:

ՀՀ ՊԵԿ Ներքին անվտանգության վարչություն կոմից տրամադրված տեղեկատվության համաձայն, վերոհիշյալ անձը գտնվում էր ՀՀ սահմաններից դուրս, ուստի ՀՀ ՄՕ 219 հոդվածի 2-րդ մասի ուժով սույն վարչական գործը քննվում է վերջինիս բացակայությամբ /Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս/:

Տրանսպորտային միջոցի մաքսային արժեքն կազմում է 734861 ՀՀ դրամ, որի «Բաց թողնում՝ ներքին սպառման համար» մաքսային ընթացակարգով հայտարարագրման դեպքում կառաջանան մաքսային վճարներ 293944 ՀՀ դրամի չափով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության

միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Սույն դեպքով Սամվել Սարգսյանի անվամբ 2016թ. օգոստոսի 17-ին թիվ 1428 տրանսպորտային միջոցի մաքսային հայտարարագրով «Ժամանակավոր ներմուծում» մաքսային ընթացակարգով ՀՀ է ներմուծված «FORD-TRANZIT» մակնիշի, LLB45795 հաշվառման համարանիշի տրանսպորտային միջոցի ժամկետը ավարտվել է 01.09.2016թ.: Սամվել Սարգսյանը տրանսպորտային միջոցը սահմանված ժամկետում չի արտահանել ՀՀ տարածքից, չի դիմել մաքսային մարմիններին ժամանակավոր ներմուծման ժամկետը երկարաձգելու խնդրանքով և նշված տրանսպորտային միջոցը չի ձևակերպել «Մաքսային պահեստ» մաքսային ընթացակարգով:

Այսպիսով վարչական մարմինը քննելով գործում առկա ապացույցները գտնում է, որ Սամվել Սարգսյանի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221 հոդվածով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար ՀՀ քաղաքացի Սամվել Սարգսյանին ենթարկել վարչական պատասխանատվության՝ 146576 ՀՀ դրամի չափով:
2. Որոշման մասին օրենքով սահմանված կարգով տեղյակ պահել Սամվել Սարգսյանին:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900233586016՝ գումարի 30% (ՀՀ պետական բյուջե, կենտրոնական գանձապետարան, Արեվելյան մաքսատուն-վարչություն, ԿՈԴ 29):

Սույն որոշմամբ նշանակված տուգանքի վճարման հաշվեհամարներն են. 900005027033 (ՀՀ պետական բյուջե, կենտրոնական գանձապետարան, Արեվելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ